

Խաչն ՚ի նախնու մն երեւեցաւ ծաղկեալ ՚ի դրախտն աստուածատունկ,
Մխիթարիչ եղեալ Սեթեաւ նախագուշակ հօրն Ագամայ,
Մեք ՚ի յայն փայտն եմք յուսացեալ յոր Տէր Յիսուս բեւեռեցաւ,
Եւ խոնարհեալ երկրպագեմք աստուածընկալ սուրբ նշանին :

(*)

Ի յերրորդումն երեւեցաւ մեծի Նոյի նահապեալն,
Առեալ հրաման կազմել տապան խաչանքման օրինակեր,
Մեք ՚ի յայն փայտն եմք յուսացեալ յոր Տէր Յիսուս բեւեռեցաւ,
Եւ խոնարհեալ երկրպագեմք աստուածընկալ սուրբ նշանին :

Ի չորրորդումն երեւեցաւ Աբրահամու հօրն արդարայ,
Որ փոխանակ Խաչակայ խոյն կախեցաւ ՚ի Սաբեկայ,
Մեք ՚ի յայն փայտն եմք յուսացեալ յոր Տէր Յիսուս բեւեռեցաւ,
Եւ խոնարհեալ երկրպագեմք աստուածընկալ սուրբ նշանին :

Ի հինգ դարուն երեւեցաւ Խաչն Յակոբայ Խորայելին,
Սանգուխք կանգնեալ էր լուսեղէն որ հասանէր յերկինս վերին :
Մեք ՚ի յայն փայտն եմք յուսացեալ յոր Տէր Յիսուս բեւեռեցաւ,
Եւ խոնարհեալ երկրպագեմք աստուածընկալ սուրբ նշանին :

Ի վեց դարուն երեւեցաւ Խաչն ՚ի ձեռինն Մովսէսի,
Հարկանելով զծովն կարմիր առաջնորդէր Խորայելի :
Մեք ՚ի յայն փայտն եմք յուսացեալ յոր Տէր Յիսուս բեւեռեցաւ,
Եւ խոնարհեալ երկրպագեմք աստուածընկալ սուրբ նշանին :

Ի յեւթներորդն երեւեցաւ Ամբակումայ մարգարէին,
Ի մէջ երկուց աւաղակաց կայր ՚ի խաչին անմահն Աստուած :
Մեք ՚ի յայն փայտն եմք յուսացեալ յոր Տէր Յիսուս բեւեռեցաւ,
Եւ խոնարհեալ երկրպագեմք աստուածընկալ սուրբ նշանին :

Յութերորդումն երեւեցաւ սուրբ Գրիգորի լուսաւորչին,
Կամար կապեալ էր ամպեղէն Խաչն ՚ի վերայ էր լուսեղէն :
Մեք ՚ի յայն փայտն եմք յուսացեալ յոր Տէր Յիսուս բեւեռեցաւ,
Եւ խոնարհեալ երկրպագեմք աստուածընկալ սուրբ նշանին :

Յիններորդումն երեւեցաւ Խաչն ՚ի լերինն Չիթենեաց,
Պայծառացեալ ՚ի Գողգոթա՝ ՚ի սուրբ քաղաքն Երուսաղէմ :
Մեք ՚ի յայն փայտն եմք յուսացեալ յոր Տէր Յիսուս բեւեռեցաւ,
Եւ խոնարհեալ երկրպագեմք աստուածընկալ սուրբ նշանին :

Ի տասներորդում երեւի Խաչն լուսով հրաշալի,
Քրիստոնէից պարծանք յայտնի, ուրացողաց կոծօղ լինի :
Եօթնապայծառ լուսով փայլի, եկեալ ՚ի Գողգոթա կանգնի,
Յամէն ազգաց երկրպագի յարաձգական յաւիտենի :

(*) Կէտագրեալ տողերը՝ ինչպէս յայտնի է, երկրորդ երեւումը կամ օրինակը ցոյց տուած պիտի լինի բանաստեղծ հեղինակը, բայց դժբաղդարար մեր ձեռքն եղած բոլոր օրինակներն ալ թերի ունենին : Հեղինակը, եթէ չեմք սխալիւր, չորեքտասներորդ դարուն մէջ ծաղկեալ վարդապետաց ուսումնական դասուն կը վերաբերի :